

MOLAETSA OA MANGELOI A MARAO (Kakaretso)

Ts'enolo14:6-20



Tlhokomeliso ea ho qetela ho lefats'e

"Ts'abang Molimo, isang khanya ho Oona, hobane nako ea ho ahlola ha Oona e tlile..."

"O oele, o oele, Babilona, motse o moholo, hobane o noesitse lichaba tsohle veine ea bohale ba bootsoa ba Oona."

"Ekare ha motho a rapela sebata le sets'oants'o sa sona, a nka le lets'oao la sona phatleng ea hae, kapa letsohong la hae..."

Ts'enolo14:6-20

Se lebeletsoeng ho fihleloa ka bukana eena

"Hobane Morena Jehova haa etse letho, a eso ho senole morero oa hae ho bahlanka ba hae, baporofeta. Tau e a rora: ea sa tlo ts'oha ke mang? Morena Jehova o a bua: ea sa tlo porofeta ke mang?"
(Amose3:7-8)

"Hape, re na le litaba tsa baporofeta, tse tiisitsoeng ka ho fetisisa, 'me le etsa hantle ha le li ela hloko, joaloka lebone le bonesitseng ngalong e lefifi, ho fihlela meso eba e hlaha, 'me naleli ea hosasa e chabela lipelong tsa lona; le tsoe le se le lumela hobane ha ho baporofeta Lengolong bo hlahileng ka ho itlhalosetsa ha motho.

Hobane haesale, baporofeta ha bo a ka ba tlisoa ke ho rata ha motho, empa ke ka ts'ususumetso ea Moea o Halelang batho ba Molimo ba buileng."
(2Petrose1:19-21)

Boporofeta ba bibeke bo ngoletsoe rona, ka hona re ts'oanetse ho bo tseba le ho bo utloisisa. Ho lokela hore ho hlake hore boporofeta ba Molimo ha botle ka ho rata ha motho!



Tlhokomeliso:

Bukana eena ha e manolle litaba tsa Ts'enolo14 ka bophara molemong oa hore molaetsa o hlake. Ke boikarabelo ba hau ho bala Bibeke ka botebo ho feta ka moo u ntseng u ebala ka teng. Hae ha ho sa le hole, ho haufi moo re eang! **(Ba-Heberu13:14)**

***** Ithute ka boikokobetso le thapelo*****

Jehova Molimo o pela bohle ba 'matlang ka 'nete eohle, ka hona, ha ebe eena ts'epo le motataise boithutong bona.

"Bibeke e tletse ka litemana tse supang ho tla ha Krete lefats'eng lekhetlo la bobeli, 'moho le liketsahalo tsa letsatsi leo.

E hlalosa letsatsi leno e le letsatsi la khalefo ea hae; e le nako eo Ea matla 'ohle a tlang ho timetsa ba bolotsana, 'me lefats'e le tla ripitloa, le baetsalibe bohle ba timetsoe ho lona.

Puo ea bangoli ba bululetsoeng ke Moea o Halalelang e hlakisa ka ho totobala mokhoa oo ponahalo le liketsahalo tsa letsatsi lena leo Jehova a phahamang teroneng ea hae (ho ahlola le ho timetsa baahi ba lefats'e) li ts'abehang le ho sisimolosa ka teng.

Na batho ba ka se lemosoe ha kotsi e kaa e se e tla ba oela holimo?

Na le ponts'o e ke se be teng ea ho tla ha khalefo ee, e le ho phekhola matsoalo a bakhopo tseleng ea bona ea tahleho?

Na ts'enyeho ea moshoelella e ka metsa lefats'e lee le tletseng sebe, e be Morena Molimo haa tsebise batho ka ho atamela ha eona, o itholela tu?

SELELEKELA

"Litaba tse patiloeng ke tsa Jehova, Molimo oa rona, empa tse senotsoeng ke tsa rona, le tsa bana ba rona ka ho sa feleng, re tle re etse ka litaba tsohle tsa molao ona." (**Deuteronomy 29:29**)

Hona le liphiri tse tebileng tse tsejoang ke morena Molimo, tseo rona batho re sa li tsebeng. Empa ho boetse hona le litaba tse ling tseo a khethileng hore tsebisa tsona. Na ekaba Molimo o re tsebisetsa tsona lefeela? Ha ho joalo!

Litaba tsohle tseo re li tsebisitsoeng ke Moea oa Molimo, ke tsa Molimo, 'me e ka khona re mo utloe, hape re etse ka tsona.

Hangata boporofeta ke khalemelo, tlhokomeliso kapa khothatso, ka hona, re lokela ho ela hloko hore re utloisise se hlileng se fuperoeng ke molaetsa oa boporofeta.

"Hobane Lentsoe la Molimo ke lentsoe le phelang, le matla, 'me le fetisa ka bohale ba lisabole tsohle tse leolitsoeng ka nqa tse peli; 'me le a hlaba, le ee ho kena le likhaohanong tsa pelo le tsa moea, le mononyellong le mokong; 'me le ahlola le mehopolo ea pelo." (**Ba-Heberu 4:12**)



BUKA EA TS'ENOLO

Lentsoe 'ho senola' le bolela ho hlalosa se sa utloisiseheng kapa se sa tsejoeng. Mohlomong re ka re ke ho sibolla kapa ho pepesa.

Senyesemaneng ke 'reveal', 'me ho boleloa ntho e le 'ngoe.

Ka segerike ke 'apokalupsis'. Ka sekhoaa re ka re ke 'unveil', e leng ho tlosa lesira le ts'irileng.

Bukeng eena bibe le qetellong ea re hlalosetsa hore na 'Babilona, veine, sebata, lets'oao...' ke eng.

"Ho lehlohonolo ea balang, le ba utloang litaba tsa boporofeta bona, ba bolokang tse ngoliloeng teng; hobane nako ea tsona e se e le haufi." (**Ts'eno 1:3**)

MOLAETSA OA PELE



"Hape, ka bona lengeloi le leng le fofang mahareng a leholimo, le ts'oere Evangelii ea kamehla le mehla ho e bolella ba ahileng lefats'eng, le lichaba tsohle, le mefuta eohle, le lipuo tsohle, le merabe eohle; la re ka lentsoe le phahamileng: Ts'abang Molimo, isang khanya ho oona, hobane nako ea ho ahlola ha oona e tlile; 'me le

khumamele ea entseng leholimo, le lefats'e, le leoatle, le liliba tsa metsi." (Ts'enolo14:6-7)

LENGELOI

Khaolo eena ere melaetsa eena e fanoa ke mangeloi (angels). Lentsoe 'angel' ke 'angelon' ka segerike, ho bolelang morumuoa (messenger).

Ka hona, mangeloi ana a mararo a ts'oants'a le barumuoa ba Molimo, ba phelang ho ea ka lentsoe la Molimo, 'me bophelo ba bona bo paka eo ba mo latelang joalo feela kaha mangeloi a etsa. Molaetsa oona ba tla o phatlalatsa ka matla a maholo lefats'eng lohle.

MATLA A MOLAETSA

Molaetsa oona o bolelloa lefats'e kaofela, 'me ho thoe ke oa kamehla le mehla, ho bolelang hore ke oa ka ho sa feleng.

Mefuta eohle ea batho, e kaba Basotho (Bataung, Bafokeng, Bakoena), Bamebala, Maindia, Machaena, Maamerika... Bohle baa hoelehetsoa hore hohle moo ba teng, mekhoeng eohle eo ba leng ho eona, litsebong tsohle tseo ba nang le tsona, meetlong eohle eo ba e ratang, borapeling bohle boo ba bo latelang, ba ts'abe Molimo. (Liketso17:30-31)

Ke hore na ka motsotso ona lintho tseo re leng ho tsona na lia supa hore re ts'aba Molimo?

E mong o na le nyatsi kapa linyatsi, e mong ke

sehlola, e mong ke letahoa, sebeti, 'molai kapa ralietheng ea tsoakileng le leshano. Ba bang ke baikaketsi, ha ba bang ba le khopo, ka nako e 'ngoe ba bile ba ipolela hore baa rapela, ba bang ha ba lumele hore Jesu Kreste ke Molimo, kapa hore moea oa motho oa shoa, ha bang ba hana molao oa Jehova Molimo, ba ruta batho ho o roba, ba bile ba loants'a le ho soma ba o bolokang.

"Bakang, hobane 'muso oa maholimo o atametse" (Mattheu3:2)

NAKO EA HO AHLOLA E TLILE

Kreste haa tla lefats'eng lekhetlo la bobeli, hase hona kahlolo a tl'o e qala.

"Bonang, ke phakisa ke etla, 'me ke ts'oere moputso oaka, ho putsa e mong le e mong ho lekanang liketso tsa hae." (Ts'enolo22:12)

Kreste hantle o tlisa sephetho. Morena Jesu Kreste o tlo arola bao e leng ba hae ho bao e seng ba hae. Hase hona a tl'o batlisisa hore na hantle bao e leng ba hae ke ba feng.

"Mohla Mora motho a tlang a teetsoe hare ke khanya ea hae, mangeloi a ena le eena kaofela, ke moo a tla lula teroneng ea khanya ea hae. Lichaba tsohle li tla bokelloa pela hae; 'me o tla khetha ba bang ho ba bang, joaloka molisa ha a khetha linku ho lipoli. O tla bea linku ka letsohong la hae le letona, a bee lipoli ho le lets'ehali." (Mattheu25:30-33)

Bibele ha e bua ka letsatsi la kahlolo, ke ho supa hore bohle ba tla ahloloe (putsoa) ho latela liketso tsa ha ba sa le lefats'eng. (Moekesiasia9:10)

Hoja oa itokisetsa ho khutla ha hae e sa le joale. Mohopolo le maikutlo a hore kahlolo e tl'o qala ha a tla, e be joale motho o tla leka ho ipuelella, ke maikutlo a theiloeng holima lehlabathe, hantle e hlile haa na motheo!

HO TS'ABA LE HO ISA KHANYA HO MOLIMO

Ho ts'aba Molimo ke ho boloka melao ea hae, e seng ea motho. (Deuteronomo6:2)

Ho isa khanya ho eena ke ho mophahamisa le ho mo tumisa lichabeng ka lipolelo le liketso tsa rona tse hloekileng.

"Molimo oa ntoo re: A re etseng motho ka sets'oants'o sa rona le ka ho ts'oana ha rona, 'me a buse lihlapa tsa leoatle, le tse rurang tsa maholimo, le makhomo, le lefats'e lohle, le lihahabi tsohle tse hahabang lefats'eng. Eaba Molimo o etsa motho ka

sets'oants'o sa oona: oa mo etsa ka sets'oants'o sa Molimo. Oa ba etsa e le e motona le e mots'ehali."

(Genese1:26-27)

Ha re fela re entsoe ka ho ts'oana le Molimo, re fuoe boikarabelo ba ho busa, e ka khona re be le boits'oaro e le ho pakahatsa tlotla ea rona.

Empa ha re phela ka lits'ila, le ho hloka taolo, Molimo eena haa joalo. Ka hona, re tliša nyeliso lebitsong la hae hobane re sets'oantso sa hae, re boetse re nyelisa le mali a sehlabelo sa Mora oa hae Jesu Krete.

Seo Jehova Molimo a leng sona, a bileng a ratang hore bana ba hae ba be sona, re se fumana lentsoeng kapa molaong oa hae.

(Exoda20:1-17)

"Empa joalo ka ha ea le bitsitseng a halalela, le lona le halalele metsamaong ea lona eohle; ka moo ho ngoliloeng ka teng, ho thoe: Halalelang, hobane kea halalela."**(1Petrose1:15&16)**

HO KHUMAMELOE MANG?

"...'me le khumamele ea entseng leholimo, le lefats'e, le leoatile, le liliba tsa metsi."**(Ts'enolo14:7, Genese1&2:1-3)**

"Hopola letsatsi la phomolo ho le khetha... Hobane ka matsatsi a ts'eletseng, Jehova o ne a etse maholimo, le lefats'e, le leoatile, le lintho tsohle tse ho tsona, 'me a phomola ka letsatsi la bosupa..."

(Exoda20:8)

Batho ba na le khopolo ea hore ba rapela Molimo oo e leng oa 'nete(Mohloli oa lintho tsohle). Na re ka ts'epa taba ea boikutlo le kholiseho ea rona?

"Hobane leha ho le ba bitsoang melimo maholimong le lefats'eng- **ho batho** melimo e fela e le mengata, le marena a mangata. Leha ho le joalo, **ho rona** Molimo o mong feela, e leng Ntat'a rona, eleng oo tsohle li tsoang ho oona, oo re leng ho oona; 'me re na le Morena a le mong feela, e leng **Jesu Krete**, eo tsohle li entsoeng ka eena, le rona re leng ka eena."**(1Ba-Korinthe8:5&6)**

Temana eena e tebile haholo. Re loketse ho hlalohanya hantle pakeng tsa Molimo oa 'nete le molimo oa bohata.

"Hobane ka matsatsi a ts'eletseng, Jehova o na a etse maholimo, le lefats'e, le leoatile le lintho tsohle tse ho tsona, 'me a phomola ka tsatsi la bosupa; ka baka lena, Jehova o hlohonolofalitse letsatsi la phomolo, 'me o le beile le khethehileng."**(Exoda20:11, 1Likronike17:27)**

*****MOLAETSA OA BOBELI*****



"Lengeloi la bobeli la latela, le re: O oele, o oele, Babilona, motse o moholo, hobane o noesitse lichaba tsohle veine ea bohale ba bootsoa ba oona."

(Ts'enolo14:8)

Phatlatatso ea molaetsa oona e qalile ka matla lehlaboleng la selemo sa 1844.

Molaetsa oona ha o arohane le oa **Ts'enolo17 (E bale ka kopo hle)**.

Bala Khaolo eena u iketlile, 'me Morena Jesu o tla be a se a le teng ho u thusa ho utloisisa. Khaolo eena e manolla ka ho pharalla molaetsa o ka holimo.

Lekhetlo la pele u utloa litaba tsa molaetsa oona u tla makala le ho hlolloa, mohlomong u be u utloe eka u chella ka tlung, empa seno ha se fetole letho: Lintlha tsohle tse tsoang Bibeleng li supa ka ho totobala hore seotsoa ke Kereke e Kh'atholike.

"Haele mosali eo o 'moneng, ke motse o moholo o busang marena a lefats'e."**(Ts'enolo17:18)**
[Vatican City, ntlo-kholo ea kereke ea Roma]

BABILONA

Lentsoe lena le bolela pherekano, ho tsoa ho 'babel', 'me re ka le fumana ho *Genese11* moo batho ba ileng ba ba le mohopolo o lits'ila oa ho haha tora e tla fihla leholimong. Ka lebaka lena, Molimo o ile a ba ferekanya ka lipuo, e le hore ba se ke ba utloana.

Babilona e boetse ke naha e ileng ea busa lefats'e lilemong tsa bo **645-559 B.C.** boetapeleng ba morena Nebukadnesare. E ile ea lihoa ke ho kopanya se halalelang le se sa halalelang **(Daniele5:1-6)**. Hona e bile phoso e kholohali, 'me le *babilona* ea joale, e oele ka lebaka la ho kopanya tse sa kopaneng. **(2Ba-Korinthe6:14-17)**

LINTLHA TSA MANTLHA TSE FETOLANG **KEREKE (EFE KAPA EFE)'BABILONA'**

1. "Na motse o ts'epehileng o fetohile joang seotsoa? O ne o tletse toka, ho loka ho ne ho ahile ho oona, empa joale o tletse babolai" (**Esaia1:21**)
2. Kereke ha e ruta lithuto tse khelohileng, sepheo e le ho lahla batho. ("...hobane o noesitse lichaba tsohle veine ea bootsoa...")

"Lefats'e ha lea ts'oanela ho kena ka hare ho kereke 'me le nyalane le kereke. Kereke ka ho ikopanya le lefats'e, ea bola kapa e senyehe, e fetohe 'letsaba la meea eohle e lits'ila, le letsaba la linonyana tsohle tse sa hloekang, tse iloang!'"

Kereke ea Roma ka lebaka la mokhoa oa tsamaiso oa eona, le lithuto tsa eona tseo e leng hore boholo ba tsona ha lia its'etleha le hanyenyane feela ka Lentsoe la Molimo, e fihla e nka lits'botsi tsohle tseo Bibe le li porofetang ho *Ts'enolo13* le *17* le ho *Daniele7:24-25*.

SEOTSOA

"Lentsoe la Jehova la boela la ntlela, la re: Mora motho, ho ne ho le teng basali ba babeli, barali ba mosali a le mong; ba ea etsa bohloa Egepete...Mabitso a bona, e moholo e ne e le Ohola, moenae e ne e le Oholiba...haele ka mabitso a bona, Ohola ke Samaria, Oholiba ke Jerusalema..." (**Ezekiele23**)

Boporofeteng bona sehlola ke sechaba sa Molimo se koenehang ho ea sebeletsa melimo esele, le ho amohela thuto e 'ngoe e sa its'etlehang ka lentsoe la Molimo. Kapa kereke e ipolelang e le ea Krete, feela metheo ea eona e its'etlehile ka meetlo.

MA LIOTSOA

"Ho ne ho ngoliloe phatleng ea hae lebitso le reng: *Sephiri: Babilona e moholo*, 'ma liotsoa le a manyala a lefats'e". (**Ts'enolo17:5**)

Kereke e Kh'atholike e ipolela e le 'Ma likereke.

Hare utloe taba eena ho tsoa ho *mo-Cardinal Joseph Ratzinger*, eo e neng ele eena Mopapa *Benedict XVI*, lengolong la hae ho likopano tsa babishopo lefats'eng lohle.

O re: "*It must always remain clear that the one holy, catholic and apostolic universal church is not a sister, but mother of all churches.*"

(*Daily Telegraph*, 4 Loetse 2000)

Ke hore ha ho fetoloa, "*Ka linako tsohle ho lokela ho hlake hore, kereke e le 'ngoe, e halalelang, e ka lefats'e lohle e bile e le ea boapostola, hase moholoane, empa ke 'ma-likereke tsohle.*" (Phetolelo)

Boipolelo bona boa tlatselletsa netefatsong ea hore Kereke ea Roma ke phethahatso ea Khaolo eena.

BARALI BA SEOTSOA

Ho latela *Ezekiele23*, barali ba seotsoa e ka khona e be likereke tsohle tsa maporosetanta tse koenehetseng 'nete, 'me tsa latela kereke ea Roma bolahleling ba eona.

"Ba tla ba le sebopeho sa borapeli, empa e le ba latotseng matla a jona. Le ba joalo o ba furalle." (**2Timothea3:5**)

VEINE EA BOHALE BA BOOTSOA BA OONA

"...Ha le utloisise keng hore ha ke bolele mahobe, ha ke re, le ts'abe litomoso tsa Bafarisi le tsa Basadusi? Joale, ba utloisisa hore litomoso tseo a itseng ba li ts'abe, hase bohobe, empa e le thuto ea Bafarisi le ea Basadusi." (**Mattheu16:6-12**)

Tomoso ke ntho e sebelisoang ho etsa seno(veine) kapa sejo se tahang. Ka hona, veine ea bohale ba bootsoa ba Kh'atholike ke lithuto tsa eona tse tahang. [Tomoso-Veine-Lithuto]

"Mosali eo o ne a apere purepera le sekareleta, a khabile ka khauta, le mahakoe a bohlokoa, le liperela; letsohong la hae a ts'oere pitsa ea khauta, e tletseng manyala le lits'ila tsa bootsoa ba hae" (**Ts'enolo17:4**)



Pitsa rea tseba e ts'ela lijo, 'me lentsoe la Molimo re le Ba-Krete ke bohobe ba rona, e leng lijo tsa moea. Joale ebe ke mang ea tla jela pitseng ee e tletseng manyala le lits'ila tsa bootsoa? 'Na che!

Ho bohloko ho lemoha hore ba teng ba jelang le ba noelang pitseng eena. Ba bang baa tseba, ha ba bang ba sa tsebe.

Bohle ba mamelang le ho amohela lithuto tsa Kh'atholike, ho kenyeletsa le bohle ba koenehetseng Molimo (maporosetanta), ba noa le ho fepuo la lits'ila kapa veine eena.

Kaha joale pitsa ee ke khauta, ba bangata ha ba lemohe hore se ka hara eona ke se tahang. Lithuto tsena li rutoa hamonate, ka mokhoa o khahlang, 'me li utloahala li le molemo joalo feela ka khauta ha e le molemo. Batho ba bangata ba bula 'metso ha ba jela pitsaneng eena.

Lethathamo la tse ling tsa veine eena kapa manyala le lits'ila tsa bootsoa ba kereke ea Roma ke lena:

1. Moea oa motho ha o shoe (Immortality of the soul):

Thuto eena e supa hore moea oa motho leha a shoele, oona ha o shoe. Lena ke leshano le qalileng ho satane, mothetsi oa lefats'e kaofela ho **Genese3:4**. "Haele ho shoa, le ke la shoa..."

Jehova Molimo eena o ne a itse: "Empa haele sefate sa ho tseba botle le bobe, o se ke oa se ja, hobane mohla o se jang, o tla shoa." (**Genese2:17**)

"Bonang, meea eohle ke ea ka; moea oa ngoana le moea oa ntat'ae ke ea ka hammoho; moea o etsang sebe ke oona o tla shoa." (**Ezekiele18:4**)
Ezekiele33 e ntse e tiisa taba eena.

2. Poloko ea sabatha sa bohata(sontaha):

"Sontaha ke lets'oao la matla a rona...Kereke e ka holimo ho Bibe, 'me ho fetoloa hona hoa poloko ea letsatsi la Sabatha ke ponts'o ea 'nete eena."
(Catholic Record, 1 Loetse 1923: Ontario)

"Ho joalo, Kereke ea Roma e Kh'atholike e re, phetolo eena(ea Sabatha ho ea ho sontaha), ke ketso ea eona. Ebile ketso eena ke lets'oao la matla a kereke, hape ke matla a eona litabeng tsa bolumeli/borapeli."
(C.F. Thomas, Chancellor of Cardinal Gibbons)

"Haeba Maporasetanta a latela Bibe, ba lokela ho khumamela Molimo ka letsatsi la Sabatha. Ha ba ntse ba boloka Sontaha ba latela molao oa Kereke e Kh'atholike."
(Albert Smith, Chancellor of the Archdiocese of Baltimore, February 10, 1920)

"Potso: Letsatsi la Sabatha ke lefe?"

Karabo: Moqebelo ke lona letsatsi la Sabatha.

Potso: Hobane 'ng re boloka Sontaha hare ts'oanela ho boloka Moqebelo?

Karabo: Re boloka Sontaha bakeng sa Moqebelo hobane Kereke e Kh'atholike e fetoletse khalalelo ea

Sabatha (Moqebelo) ho Sontaha."

(The Convert's Catechism of Catholic Doctrine (1957, Leqephe;50)

3. Kolobetso ea masea:

Kreste o fane ka thomo ea hore batho ba rutoe evangeli, ha ba lumela ba kolobetsoe.

"E eang ke hona, le rute lichaba tsohle; le ba kolobetse ka lebitso la Ntate, le la Mora, le la Moea o Halalelang; 'me le ba rute ho boloka tsohle tseo ke le laetseng tsona..." (**Mattheu28:19-20**)

Kolobetso ea masea khale e le moketjana o etsoang ho tloha boheteneng koana, joale Kh'atholike ea halaletsa lits'ila tsena ka ho li amahanya le Bo-Kreste. Kolobetso ea masea e na le moelelo o tebileng haholo ho baprista ba kereke ea Roma (*It's satanic ritual on sacrifices*).

Batho ba lokelang ho kolobetsoa ho ea ka lentsoe la Molimo, ke ba holileng ho lekana hore ba ka etsa liqeto tse hlakileng, ba bile ba hlaketso hantle hore na kolobetso e bolela eng. K'hatholike ebile e re ke tlhlatsuo, e kae Bibeleng?

4. Perekatori:

Kereke e Kh'atholike lilemong tsa ho feta e ile ea ruisoa haholo ke thuto eena. Batho ba ne ba patala kereke hore baruti ba rapelle meea ea batho ba perekori (*Indulgence*).

Batho ba rata sebe le mesebetsi e lits'ila, empa ba ts'aba meputso ea liketso tsa bona. Ho thata ho bona hore ba phele khalalelo hoo ba ka mpang ba patala licheletehali ba keng sa ho lopolloa kotlong ea sebe sa bona.

Ka lebaka lena, kereke e ile ea ba le leano la ho ithuisa ka ho re batho ba ea perekatori, e tsebe ho tla ba rapella, e seng mahala.

Ha ho temana le ha e le 'ngoe e buang kapa hona ho atamela tabeng ea perekatori. Lentsoe lena ha le eo Bibeleng. Taba ea perekatori ke ts'omo, feela e isang timelong.

5. Motheo oa Kereke ea Molimo:

Lefats'e le thetsitsoe ka hore Kereke ea Morena Molimo e theiloe holima moapostola Petrose. Ho ipapisoa le temana eena:

"A re ho bona: Lona le re, ke mang na? Eaba Simone Petrose o araba, a re: O Krete, Mora Molimo o phelang. Jesu a araba, a re ho eena: O lehlohonolo, Simone, mor'a Jona; hobane hase nama le mali a o koaholletseng hoo, empa e le Ntate ea maholimong. Hape, ke re ho uena, u Petrose, 'me kaholima lejoe leo, ke tla haha kereke ea ka, 'me likhoro tsa nqalo ea bafu ha li ka ke tsa e hlola. Ke tla u nea linotlolo tsa 'muso oa maholimo: hohle hoo u tla ho tlama lefats'eng ho tla tlangoa maholimong, le hohle hoo u tla ho lokolla lefats'eng ho tla lokolloa maholimong." **(Mattheu16:15-19)**

Lentsoe 'pedra' le bolela lefika(*immovable rock*) ka Segerike/ Seheberu, ha 'pedros' le bolela lejoe(*movable rock*).

Bohle rea tseba hore Krete ke lefika la mengoaha, le taboletsoeng rona.

Bibele e re ruta hore Krete ke lefika la moea: "...ba noele bohle seno se le seng sa moea; hobane ba ne ba enoa metsi a lefika la moea le ba latelang, 'me lefika (pedra) leo e ne e le Krete." **(1Ba-Korinthe10:4)**

Ha re ke re utloeng hore na Petrose enoa ea tlangoang ka hore ke eena motheo oa kereke, o reng: "Le tle ho eena, e leng lejoe le phelang, le neng le lahliloe ke batho, athe ho Molimo ke le khethiloeng, la bohlokoa; le lona, le ke le hahuoe le le majoe a phelang, ho etsa ntlo ea Moea, le boprsta bo halalelang, ho hlahisa mahlabelo a moea, a natefelang Molimo ka Jesu Krete."

Hobane ho itsoe Lengolong: Bonang, ke bea Sione lejoe la ntlha, le khethiloeng, la bohlokoa; 'me ea lumelang ho lona a ke ke a soaba." **(1Petrose2:4-6)**

Na ho na le ea s'o kang a hlakeloa hore na motheo oa kereke ea Molimo ke mang? Bibele e hlakisitse hore ke Jesu Krete, e seng Petrose. Moapostola o bile oa hlakisa hore re ke re hahuoe re le majoe a phelang, 'me le eena ke e mong oa majoe ao (*pedros*).

Thetso eena e susumetsa hore batho ba khomarele Kh'atholike ka mohopolo oa hore ke eona e theiloeng ke Krete haa sa phela lefats'eng. E boetse e etsa le hore batho ba ikokobeletse Bopapa, ka kutloisiso ea hore ke bohlahlami ba Petrose. Hm! K'hatholike e re Petrose ke mopapa oa pele. Khele!

6. Maipolelo:

"Ke eena e leng lejoe le nyatsitsoeng ke lona lihahi, le entsoeng lejoe la ntlha la motheo. 'Me ha ho poloko ho e mong; hobane ha ho lebitso le leng le tlasa leholimo, leo batho ba bolokehang ka lona." **(Liketso4:11-12)**

"Hobane Molimo o mong feela, le 'muelli mahareng a Molimo le batho o mong, e leng Jesu Krete motho, ea ineetseng ho ba topollo ea bohle. Ke boo bopaki bo beiloeng mehleng ea teng..." **(1Timothea2:5-6)**

Ke ts'epa hore bohle re utloa hantle seo Moea oa Molimo o re hlalose tsang sona. Krete ke eena feela ea nang le tokelo ea ho re rapella. Re tla ho eena re le lits'ila, re nkha, re khenathetse libe, o re:

"Tloong ho 'na, lona bohle ba khathetseng, ba imeloang, 'me ke tla le imolla!" **(Mattheu11:28)**

Jesu haa re re pote kae-kae pele hore a re amohele. Batho o tla utloa bare moprista kaha oa halalela, a ka khona ho ba buella ho Molimo. Etsoa kae taba ee? Ho thetsoa batho ka temana eena. **(Jakobo5:16)**

Satane o ikhakanya joaloka lengeloi la leseli. **(2Ba-Korinthe11:13-15)**

VICARIUS FILII DEI

Lentsoe lena ke la Selatine, 'me le bolela 'Moemeli oa Mora oa Molimo lefats'eng' (God's son representstive on earth).

"Lefats'eng mona re lutse setulo sa Molimo o Matla 'ohle.'"-"We hold upon this earth the place of God Almighty." (Pope Leo XIII, in an Encyclical Letter, June 20, 1894)

"Mopapa hase feela Moemeli oa Jesu Krete lefats'eng, empa ke Jesu Krete ka sebele, a apereng botho"-"The Pope is not only the representative of Jesus Christ, but he is Jesus Christ Himself, hidden under veil of flesh."

(The Catholic National, July 1895)

Balateli ba Kh'atholike baa amohela hore Mopapa ke 'ntate ea halalelang', 'me ea ka tlase ho mopapa ba re ke 'fater' (father), e leng ntate. Hona ke nyeliso le nyefolo e makatsang! **(2Ba-Thesalonika2:1-12)**

"Le se ke la bitsa motho lefats'eng ntata lona, hobane o mong feela eo e leng Ntata lona, ke ea leng maholimong." **(Mattheu23:9)**

7. Lisacramente:

Sacramente ea tlhatsuo kapa ea lenyalo..., ke eng? Etsoa kae? Ho bile ho thoe li supile. Na u n'o tseba hore Eucharist ho thoe ke Kreste nameng?

8. Maria Movirigo le bahalaleli:

Maria o hlalosa e le 'Ma-Molimo ke kereke e K'hatholike. See se reng ho motho ea sa tsebeng letho ka Bo-Kreste?

Molimo oo re o rapelang ke o nang le 'm'e? Thuto eena e tebile haholo hobane etsoa boheteng. Ho na le ntho eo ho thoeng ke 'trinity', e leng boraro bo teroneng.

Bahetene ba na le *molimo ntate, molimo mora le molimo 'm'e!*

Ntata bona ke Nimrod, mora ke Tammuse, ha 'm'e oa bona e le Simiramisi. Mabitso ana ke a melingoana e rapeloang boheteng, eo kereke ea Roma e a hapelletseng kapa e a qhoaelletseng le bo-kreste.

Joale mona Satane o loana ntoa ea khumamela.

BIBELE E RE ELE TSA JOANG MABAPI LE LITABA TSEE?

"Hobane bohlale bo tla kena pelong ea hao, tsebo e khahlise moea oa hao; ...otile o namoleloe mosaling oa letekatsi, mosaling oa seotsoa ea qekisang ka lipolelo tsa hae, ea furaletseng motsoalle oa bocha ba hae, 'me a lebetse selekane sa Molimo oa hae. Ruri, ntlo ea hae e sekametse lefung, tsela tsa hae li isa bafung. Ho ba eang ho eena, ha a eo ea khutlang le ho boela a nka tsela ea bophelo."
(Liprovbia2:10-19)

Motho ha a ile a noa ho tsoa pitseng eena ea khauta, ha ho letho leo a ka le utloang ho tsoa Lentsoeng la Molimo. E bile le ha a ka kholiseha hore litaba tseo a li lumetseng ke lefeela, a ka mpa a ikhothatsa ka hore eena ke

'Mokh'atholike ea hlooho e thata', kapa ka hore eena kereke ea hae ke ea pele lefats'eng, joalo-joalo.

Lebaka le teng: Ke hobane ba tahlile!

"...Tlohang ho eena, lona sechaba sa ka, le se ts'ohe le kenella libe tsa hae, 'me la oeloa ke likotsi tsa hae." **(Ts'enolo18:4)**

KE LUMELE JOANG HORE LITABA TSEE KAOFELA LI SUPA KEREKE EA HESO/KH'ATHOLIKE?

'Nete e tla lula e le 'nete, batho ba e emela kapa ba e ts'abisa, ba e lumela kapa ba e latola. 'Nete e bile 'nete le pele batho ba ka e tseba, le ha ba sa e tsebe kapa ba ka e lebala, eona e sala e ntse e le 'nete. Ha ho le joalo, haeba 'nete e ne e ka fetoha, ha e sa ba 'nete.

Leshano le re 'nete ke leshano, empa 'nete e ke ke ea bitsa leshano 'nete le ka mohla! Satane o re Kreste ke Belzebul, empa Kreste a ke ke a re satane ke Kreste.

'Nete ha e fetohile le ka mohla o le mong. Ebile ha e re na e buuoe ke mang. 'Nete ha e ee ka ts'obotsi kapa maemo. *E ea phela, e matla, 'me e fetisa ka bohale lisabole tsohle tse leolitsoeng ka nqa tse peli; 'me e a hlaba, e ee ho kena le likhaohanong tsa pelo le tsa moea, le manonyellong le mokong; 'me e ahlola maikutlo le mehopolo ea pelo.*

Purepera le sekareleta, mekhabo... (Ts'enolo17:4)

Ena ke mebala e aparoang haholo kerekeng eena. E ka boela ea hlalosa ke lentsoe la Molimo ka botebo. Purepera- Borena, Sekareleta- Schlabelo, mekhabo le majoe a bohlokoa- Borui

MOLAETSA OA BORARO

"Lengeloi la boraro la latela a mabeli ao, la re ka lentsoe le leholo: Ekare ha motho a rapela sebata le sets'oants'o sa sona, a nkaa le lets'oao la sona phatleng ea hae, kapa letsohong la hae, le eena o tla noa veine ea bohale ba Molimo e ts'etsoeng, e sa



tsoakoa, senoelong sa khalefo ea oona, 'me o tla hlokoatsoa mollong lesebaboleng ponts'eng ea mangeloi a halalelang le ea Konyana.

Mosi oa hloko-falo ea bona o nyoloha ka mehla le mehla, 'me barapeli ba sebata le ba sets'oants'o sa sona ba ba ke ke ba eba le phomolo bosiu le mots'ehare, leha e le ba amohetseng lets'oao la lebitso la sona.

Ke moo ho tla bonahala mamello ea bahalaleli, e leng ba bolokang litaelo tsa Molimo le tumelo ea bona ho Jesu."

(Ts'enolo14:9-12)(Ts'enolo12:17,19:10)

Melaetsa eena leha e le mona e boleloa ke mangeloi a fapaneng ka nako e latellanang, ho bohlokoa hore re lemohe hore ha labobeli le tlisa molaetsa, molaetsa oa lona ha o hlakole kapa ho felisa oa pele.

Tatellano ea melaetsa eena e supa tatellano ea liketsahalo, ha lefats'e le ntse le atamela lihora tsa ho qetela. Tlhokomeliso eena ea boraro e re ama ka kotloloho re le batho ba phelang nakong ena. Ha re ithuteng molemo le lintlha tsa mantlha tse fuperoeng ke molaetsa oona.

"-e kare ha motho-" Karoloana ena ea polelo e sebetsa e le tlhokomeliso (warning), e tletseng mosa le qenehelo, feela e hloka motho ea etsang khetho (conditional).

"-le eena o tla noa veine ea bohale ba Molimo-" Joale karoloana ena eona e tlisa moputso o ts'oanelang qeto eo motho a e entseng. Ha motho a s'a ka a sekehela

tlhokomeliso tsebe, a ikhethetse tsela e phatlaletseng, a ts'abile ba bolaeang 'mele feela ho ena le ho ts'aba Molimo, o tla noela senoelong sa khalefo ea Molimo. Molimo hase motho, hore o tle o etse leshano, kapa mor'a motho, hore o tle o bake. Seo o se boletseng, na o ke ke oa se etsa na? Seo o se rerileng, na o ke ke oa se phetha na?

(Mattheu7:13, 10:28, Numere23:19)

Morena Molimo o fana ka temoso, motho eena a etse qeto ea ho e amohela kapa ho e furalla. Feela qetellong moputso oona o tla ba teng.

(Ts'enolo1:1-3,Deuteronomo30:15-20, Moekesesia12:13-14)

Haufinyane lefats'e le tl'o tobana le boemo ba tlokotsi, boo Ba-Kreste ba tla lokela ho etsa liqeto tsa moshoelella molemong oa polokeho ea bona. Taba ea ho rapela sebata le sets'oants'o sa sona, kapa ho amohela lets'oao la sona, hase qeto eo batho ba bangata ba tl'o e etsa feela tjena (voluntarily).

Liqeto li tla etsoa ka ts'usumetso e tletseng likhoka, le ts'ebeliso e ts'abehang ea matla le litlhoriso ho ba hanang ho ikamahanya le borapeli bona. Satane o qala ka memo (voluntary invitation), ho ba hanneng e be thetso, ho ba sa thetshang e be litlhoriso, 'me ho ba sa koeneheng e be lipolao. U oela kae?

"Hobane 'muso oa Molimo ha o lipolelong, empa o matleng."**(1Ba-Korinthe4:20)**

"Ho tloha mehleng ea Johanne Mokolobetsi, ho fihlela joale, 'muso oa maholimo o kenoa ka matla, 'me ba bohale ba o hapa."**(Mattheu11:12)**

"Kenang ka monyako o patisaneng; hobane monyako oa timelo o hebe-hebe, le tsela e eang teng e phatlaletse, 'me ba kenang teng ba bangata.Hobane monyako oa bophelo o patisane, le tsela e eang teng e ts'esane, 'me ba e fumang ha ba bakae."**(Mattheu7:13-14) Bala Ba-Roma8:35-39.**

Motho a ka ipotsa hore na ke mang enoa ea tla qobella baahi bohle ba lefats'e ho rapela sebata le s'etsoantso sa sona? Le hore na hantle sebata sena ke sefe, hona sets'oants'o sa sona ke eng?

"Ka ba ka bona sebata se seng se nyolohang lefats'eng, se nang le linaka tse peli tse joalo ka tsa konyana, se mpa se bua joalo ka drakone. Sa etsa ka matla 'ohle a sebata sa pele ponts'eng ea sona, 'me sa etsa hore lefats'e, le ba ahileng ho lona, ba rapele sebata sa pele, seo leqeba la sona le bolaeang le neng le folile...Sa fuoa matla a ho kenya

phefumoloho sets'oants'ong sa sebata, hore sets'oants'o sa sebata se tsebe ho bua, se etse le hore ho bolaoe bohle ba hanang ho khumamela sets'oants'o sa sebata..." (Ts'enolo13:11-18)

Hoa makatsa hore na litaba tsena li ka etsahala joang, e le ha sebata sena se qalile kae! Empa ha re latelisa litaba ho tloha morao, ho bobebe hore re fumane hore na ke joang.

Matla 'ohle a sebata sa pele, e leng Roma, ke mesebetsi ea sekhukhu, ea ho laola lintho ka lekunutu (secrecy and infiltration).

"Throughout Christendom, Protestantism was menaced by formidable foes. The first triumphs of the Reformation past, Rome summoned new forces, hoping to accomplish its destruction. At this time, the order of the Jesuits was created, the most cruel, unscrupulous, and powerful of all the champions of popery. Cut off from every earthly tie and human interest, dead to the claims of natural affection, reason and conscience wholly silenced, they knew no rule, no tie, but that of their order, and no duty but to extend its power.

The gospel of Christ had enabled its adherents to meet danger and endure suffering, undismayed by cold, hunger, toil, and poverty, to uphold the banner of truth in face of the rack, the dungeon, and the stake. To combat these forces, Jesuitism inspired its followers with a fanaticism that enabled them to endure like dangers, and to oppose to the power of truth all the weapons of deception. There was no crime too great for them to commit, no deception too base for them to practice, no disguise too difficult for them to assume. Vowed to perpetual poverty and humility, it was their studied aim to secure wealth and power, to be devoted to the overthrow of Protestantism, and the re-establishment of the papal supremacy." (GC88 234.2)

"'Me sa etsa hore batho bohle, ba banyenyene le ba baholo, ba ruileng le ba fumanehileng, ba sa ruoang le ba ruiloeng, ba amohela lets'oao letsohong le letona la bona, leha e le phatleng tsa bona; le hore ho se be motho ea ka tsebang ho reka, leha e le ho rekisa, ha a se na lets'oao, kapa lebitso la sebata, kapa palo ea lebitso la sona. Ke moo bohlale bo leng teng. Ea hlalefileng a bale palo ea sebata; hobane ke palo ea motho: Palo ea sona ke makholo a ts'eletseng a mashome a ts'eletseng a metso e ts'eletseng." (Ts'enolo13:16-18)

NALANE



Hantle litaba tsena li amana le khoebisano (*trade*). Re le Basotho rea tseba hore mehleng ea khale motho o ne a keke a ja bohobe phaate hobane a se na linaoa. O ne a fana ka mokotla oa koro, 'me a fumana sekotlolo sa linaoa. Khomo e ne e lekangoa le linku tse hlano. Molisana o ne a alosetsa mong'a motebo selemo, e be o lefshoa ka khomo, joalo-joalo. (*Barter system*)

Na le kajeno ho sa le joalo? Lisiu tsa lijo li kae? Makuka a lebesa a kae? Ke hore na re tla ja pampiri kapa ts'epe (chelete) nakong ea koluo? Batho hona joale ba bokeletse matlotlo a bona libankeng. Leha u ka leka ho lema matsatsing ana, haholo litoropong, mobu o senyehile ke lichefu tse tšileng e le liphallelo kapa ho thoe ke menonts'a ke bao ho thoeng ke 'litsebi'.

Joale ke nako ea hore re phaphameng borokong. Ho ne ho sebelisoa mokhoa oa mphe mabele ke u fe poone, Manyesemane a fihla a batla lekhetho. A ile a hana liphoofole a re a batla chelete. Hona ke ntho e makatsang ruri! U ka batla joang chelete ho Mo-Afrika ea itsebeleng temo le phoofole? Hoa rekisoa

liphoofolo e le ho tla patala lekhetho, banna le bahlankana ba ea merafong ho khoasana le chelete, basali le baroetsana ba ea lifemeng, masimo a sebelisoa ho haha lifeme le ho etsa libaka tsa ho qhalla likhoerekhoere tsa lifeme.

Ha banna ba le sieo, tlholohelo e ba kholo bafumahaling, e be moo banna ba fokolang ba setseng hae, ba ba khukhunelang. Banna le bona moo ba teng, ba ipona na ba nama joang, e be moo ba fumanang mafu a lichaba tse ling, e bang 'setla-bocha' naheng ea rona. Lipetlele le likolo tsa qalella... Qetellong masimo a felile le tsona liphoofolo, bophelo e se e le ba lipilisi. Lekhetho lona?

KHUBU EA TABA

Leano leo diabolosi a le sebelisitseng ho khanneleng batho hore ba tl'o rapela *sebata*, le *sets'oantso sa sona*, kapa ho nka *lets'oao la sona le palo ea lebitso la sona*, ke ka ho etsa hore batho ba its'etlehe ka chelete.

Ha ho tloheloa leano la mphe koro ke u fe linanoa, re ile ra isoa cheleteng, ra tlosoa hanyane-ka-ha-nyane ra isoa bukaneng le pampiri cheleteng (*cheques*). Re sa utloile, ra etsetsoa likarete tsa banka (*debit or credit cards, etc*). Re keke ra ja chelete, pampiri chelete kapa karete. Sena se etsa hore ho be bonolo ho laoleha.

Mohlala o phelang: Ha letona la 'muso oa Motlotlehi le ka belaelloa ka bobolu licheleteng tsa sechaba, ka ho panya ha nts'i feela e ba mofutsana ea otlang ntsi ka koto. Le fuoa sekepele sa ho sebelisa matlotlo a hae (*Accounts are freed*).

Ho tla nako eo re ke keng ra khetha hore na bophelo ba rona re bo phela joang. Lesotho mona ho tlike 'Thuto ea mahala e sa lefelloeng', na e ntse e le joalo le haa joale? Che! E se e le '*Thuto ea mathomo e tlamang!*' Ho sa khathallatsehe hore na botle boo o bo hopoletseng ngoana oa hau ke bofe, u loketse u lebale ka bona, u mo ise sekolong. Hore na o rutoang, eo ha se ea hau!

Ela hloko taba ena: liphetoho tse ngata tseo re tla libona holima lefat'se, ekaba ke tabeng tsa moruo, bophelo(health), polotiki le tse ling kaofela li lokisetsa lefat'se lohle ho kena khumamelong ea Sebata le ho furalla letsatsi la nnete la phomolo ea Molimo eleng Sabatha ho latela phomolo ea sebata

ea Sontaha.

Rea busoa banabeso! Hore na ke mang, ha ke tsebe! Letsoho le teng le re tsamaisang, le busang marena a lefats'e, hore na ke la mang, le teng ha ke tsebe! Bibe eona e na le karabo:

"Eaba lengeloi le leng la a supileng a ts'oereng linkho tse supileng, le tla ho 'na, la re: Tloo, ke u bonts'e kahlolo ea seotsoa se seholo, se lutseng holim'a metsi a mangata; seo marena a lefats'e a febileng le sona, le ba ahileng lefats'eng ba tahiloeng ke veine ea bootsoa ba sona... Eaba lengeloi le re ho 'na: Metsi ao u a boneng, ao seotsoa se lutseng ho 'ona, ke merabe, le mats'oele, le lichaba, le lipuo... Ha ele mosali eo u 'moneng, ke motse o moholo o busang marena a lefats'e."
(Ts'enolo17:1-2,15, 18)

Bongata ba baithuti ba boporofeta ba Bibe (*Bible prophecy scholars*), le baithuti ba thuto Molimo (*Theologians*), baa elelloa hore motse oona o moholo o busang marena a lefats'e ke Vatican City, 'me ba o hlalosa e le motse o holima lithaba tse supileng (*The city on seven hills*). Motseng oona ke moo Mopapa a busang a le hona teng.

Tlhaloso ea **Ts'enolo17** e tebile haholo, 'me e hloka nako ea eona feela. Joale, re fumane hore **Bopapa ke bona bo laolang lefats'e lohle**. Che, le joale ha ho makatse hobane boholo ba marena, litona-khoho le lipresitente li ea Roma hangata kamora ho hlomamisoa e le baetapele, kapa ha ba hloka boeletsi.

Tseba kajeno:

1. *Sebata sa pele- Bopapa (Papacy)*
2. *Sebata sa bobeli- Amerika (United States of America)*
3. *Sets'oants'o sa sebata- Boprosetanta bo oeleng habo ikopanya le matla a puso ho loant'sa bana ba Molimo*
4. *Lets'oao la sebata- Sontaha kamora ho phatlalatsoa ka molao (Enforced Sunday Law)*
5. *Palo ea sebata- 666)*

Lintlha tsena li tiisoa ke Bibe:

"A re: Libatana tse khoho tseo tse 'ne ke marena a mane a tlang ho hlaha lefats'eng... A bua, a re: Sebatana sa bone ke 'muso o mong oa bone, o tlang hoba teng lefats'eng, o tla ba hosele ho mebuso e

meng kaofela, 'me o tla rusolla lefats'e kaofela, o le hatakele, o le silakanye." (**Daniele7:17&23**)

Ke ntho e lumellehileng hore motho a botse hore na joale Roma hobaneng e sa hlorise batho, kapa hona ho ba amoha tokelo ea ho rapela Morena Molimo, le ka letsatsi la hae la Sabatha (Moqebelo)?

"Ebile Jehova o nkarabela ka hore: Ngola ts'enolo, e betle mamatjanemg, hore ea e balang a e bale habonolo; hobane ts'enolo eo e sa luletse nako ea teng, empa e tla itlhahanela qetellong, e keke ea thetsa. Ha e ka lieha, u e lebelle, hobane e tla etsahala ruri, e ke ke ea fela."
(**Habakuke2:2-3**)

"Ho lehlohonolo ea balang, le ba utloang litaba tsa boporofeta bona, ba bolokang tse ngoliloeng teng; hobane nako ea tsona e se ele haufi." (**Ts'enolo1:3**)

(**2Ba-Thesalonika2,Daniele2, Ts'enolo13,17 le 18**)

isa mesebetsi eohle kahlolong, le tse patiloeng kaofela, leha e le tse ntle, leha e le tse mpe."
(**Moেকেlesia12:13-14**)

Re ts'oanetse ho etsa litokiso tsa ho tsoa litoropong, re eo phela mahaeeng, moo re tla itemela. Metsi a teng a ntse a hloekile le lijo tsa teng li matlafetse.

Hang ka mora melaetsa eena re bona kotulo ea lefats'e.

"Lengeloi le leng la tsoa tempeleng, la hooeletsa ka lentsoe le phahamileng ho ea lutseng lerung, la re: Kenya sekele ea hau, u kotule; hobane nako ea ho kotula e fihlile, hobane koro ea lefats'e e butsoitse. 'Me ea lutseng holim'a leru a akhela sekele ea hae lefats'eng, 'me lefats'e la kotuloa."
(**Ts'enolo14:15-16**)

(Deuteronomoma30:15,19)

QETELLO

"Bofello ba taba tseo kaofela ke jona: Ts'aba Molimo, u boloke litaelo tsa oona, hobane, ke eona ts'oanelo eohle ea motho; hobane Molimo o sat la